

LETRAS GALEGAS 2008

CONCURSO – EXPOSICIÓN LETRAS GALEGAS 2008

A Secretaría Xeral de Política Lingüística, con motivo do Día das Letras Galegas, convoca un concurso para a elaboración dunha exposición sobre a obra, época e lingua do autor homenaxeado este ano, Xosé María Álvarez Blázquez, e/ou sobre a situación sociolingüística da etapa histórica en que este viviu.

Obxectivos:

- 1- Potenciar o estudo da obra e da época de X. M^a Álvarez Blázquez
- 2- Propiciar a reflexión sociolingüística sobre esta etapa histórica
- 3- Fomentar a valoración das contribucións individuais e colectivas na dignificación e normalización da lingua galega
- 4- Impulsar a realización de actividades que fomenten a colaboración interdepartamental e que potencien a implicación activa de profesorado e alumnado
- 5- Fomentar e difundir unha visión persoal por parte da comunidade educativa sobre a figura de Xosé M^a Álvarez Blázquez
- 6- Enriquecer a oferta de materiais existentes en lingua galega, promovendo a súa divulgación como referentes para outros centros

Bases:

- 1- Poderán participar todos os centros de ensino non universitario da Comunidade Autónoma de Galicia e mesmo da Galicia exterior: públicos e privados, escolas unitarias e de ensino primario, centros rurais agrupados, centros de ensino secundario, centros integrados, escolas oficiais de idiomas, centros de educación de adultos...

2- Establécense dúas categorías: A) para os centros de educación infantil e primaria; B) Os restantes. Os centros educativos nos que se imparta educación infantil, primaria e secundaria poderán concursar nas dúas categorías, se así o quixeren.

3- A mellor exposición de cada unha das categorías será imprimida e distribuída aos centros de ensino de Galicia. Nela figurarán o logo da Secretaría Xeral de Política Lingüística e o nome do centro gañador.

4- As dúas exposicións elixidas recibirán cadanseu premio en metálico por importe de 3.000 €

5- Os premios poderán, se a calidade dos traballos presentados non for a axeitada, declararse desertos.

6- O eixe temático da exposición será a obra e a época de Xosé María Álvarez Blázquez, observada dende unha perspectiva pluridisciplinar e onde o percurso biográfico sexa só un motivo para abordar unha realidade complexa e heteroxénea.

7- O traballo será interdepartamental e na súa elaboración deberán estar implicados un mínimo de cinco seminarios.

8- Valorarase especialmente a inclusión de actividades dirixidas a distintos ámbitos de coñecemento, ademais das correspondentes aos seminarios implicados.

9- A exposición terá un máximo de 15 carteis e un mínimo de dez, dun tamaño para elixir entre 50 x 70 ou 70 x 100.

10- A técnica para utilizar é libre e os traballos poderán ser presentados a toda cor.

11- Para cada cartel elaboraranse unha serie de actividades que guíen a súa observación e fomenten o labor de investigación do alumnado. Xuntarase á exposición en forma de guía ou cuestionario e a súa extensión non superará as 25 páxinas.

12- Os traballos entregaranse en formato dixital, acompañado da reprodución impresa dun dos carteis, no Rexistro Central da Xunta de Galicia, nos das súas delegacións provinciais ou por calquera dos medios previstos no artigo 38.4º da Lei 30/1992, do 26 de novembro, de réxime xurídico das Administracións Públicas e do procedemento administrativo común. Presentarse baixo un pseudónimo ou lema identificador. Os datos do centro e os do grupo de traballo introduciranse nunha plica. No exterior desta figurará unicamente o pseudónimo ou lema do traballo.

13- O prazo de presentación remata o día 22 de febreiro. O xurado farase público na web da Secretaría Xeral de Política Lingüística despois desa data.

14 - A Secretaría Xeral de Política Lingüística quedará eximida de calquera responsabilidade derivada do plaxio ou de calquera transgresión da lexislación vixente que en materia de propiedade intelectual na que puidesen incorrer os/as participantes.

15.- A Secretaría Xeral de Política Lingüística resérvase o dereito a organizar exposicións e/ou a exhibición, reprodución ou publicación da imaxe ou contido dos traballos presentados por calquera medio que se considere oportuno, sen máis limitacións que as derivadas do Real decreto lexislativo 1/1996, do 12 de abril, polo que se aproba o texto refundido da lei de propiedade intelectual.

16.- A Secretaría Xeral de Política Lingüística poderá desenvolver as accións que considere oportunas encamiñadas á difusión dos traballos seleccionados das categorías incluídas nesta convocatoria .

17.- A participación no concurso implica a aceptación destas bases. A Secretaría Xeral de Política Lingüística queda facultada para dirimir calquera

controversia derivada da interpretación das bases. O ditame do xurado será inapelable.

.